

# Labuan perlu kekal dinamik dan maju

**LABUAN:** Segala perancangan pembangunan untuk Wilayah Persekutuan Labuan perlu dilihat dalam konteks yang lebih besar.

Menteri Wilayah Persekutuan Tan Sri Annuar Musa berkata, perkara itu termasuklah keperluan melihat hasrat dan intipati kerajaan mewujudkan Labuan sebagai sebahagian Wilayah Persekutuan. "Saya ingin menyemak bagi pastikan hasrat asal kewujudan Labuan sebagai Wilayah Persekutuan, kita kena nilai tahap pencapaiannya dan kalau ada perkara yang boleh diperbaiki

"Ini membolehkan saya melihat dengan lebih mendalam potensi yang ada di Labuan supaya tidak bergantung hanya semata-mata kepada industri minyak dan gas dan Pusat Kewangan Luar Pesisir.

"Kita ingin lihat potensi lain yang ada supaya kita ada pelan baharu di bawah Kerajaan Perikatan Nasional (PN) sekaligus melihat kepentingan jangka masa panjang untuk Labuan sebagai sebahagian Wilayah Persekutuan," katanya.

Jelasnya, Labuan perlu



**WATIKAH:** Annuar (dua kanan) menyampaikan Watikah Pelantikan Pengerusi Majlis Perwakilan Penduduk Wilayah Persekutuan (MPPWP) bagi Parlimen Labuan kepada Mohd Dzulfazal Ab Manan, di Wisma Perbadanan Labuan, baru-baru ini. Turut kelihatan Rosida (kiri), Bashir (tiga kiri) dan Dr Fary (kanan).

kekal dinamik, maju, progresif dan rakyatnya dapat menikmati hasil dari perancangan yang disediakan.

"Saya ingin melihat terlebih dahulu potensi, kekuatan atau kelemahan Labuan dan mula merangka tindakan-tindakan baharu," katanya.

Beliau berkata demikian selepas menyampaikan watikah pelantikan anggota baharu Majlis Perwakilan

Penduduk Wilayah Persekutuan (MPPWP) bagi Parlimen Labuan, di Wisma Perbadanan Labuan, baru-baru ini.

Sementara itu, Annuar berkata pemimpin MPP akan bekerjasama dengan Perbadanan Labuan untuk melaksanakan program-program termasuk program sosio ekonomi, menjadi penyampai kepada usaha-usaha penam-

bahbaikan sistem penyampaian PL dan memastikan kita lebih dekat dengan rakyat di akar umbi.

Ketua Setiausaha Kementerian Wilayah Persekutuan Datuk Rosida Jaafar, Ahli Dewan Negara Senator Datuk Bashir Alias dan Ketua Pegawai Eksekutif Perbadanan Labuan Dr. Fary Akmal Osman turut hadir pada majlis itu.

